

識
病
捷
法

識病捷法叙

病之難識也尚矣人稟陰陽五行之
氣冲融會萃以有、愛養一或不
至則病隨之變應靡常漫無所執厥
疾之不瘳也不亦宜乎吾蘓繆慕松
先生雅好醫學窮本知要闡微剔幽
靡不通貫迺著為傷寒撮要一書既
已得世世共珍之而先生沉默寡合

不自矜衒閉門讀古方書參稽互考
豁然若有得者一日別余遠徒余意
其將有四方之志也叩其所業則曰
吾志在醫欲成一書以濟世非靜不
可故求靜耳已而烟霞高蹈杳然不
可即者二三年則書成出以示余
蓋羅集先代醫師之傳會通其要分
部分門以類相從而增損者什二刪

繁補遺掇拾殆盡名之曰識病捷法
云余非知醫者昔於傷寒撮要既以
俚言矢其首今此書成益覩先生
有大過人者矣刊以傳世抑亦醫家
之指南也歟雖然此不足以盡先生
之仁術也先生甫弱冠先君五松以
疾謝世既而吳泰伯孫女為太夫人
者每歲多病先生苦弗愈遂棄舉子

業從孫氏游肆力于醫太夫人得以
長壽噫世之獲一命之榮者誰不謂
孝親在茲矣而先生獨肆力於醫不
惟得以壽親且曰以壽來世視世所
謂孝親者果孰遠而孰近哉

賜進士第文林郎江蘇道監察御史
長洲徐仲楫撰

識病捷法叙

識病捷法者茂苑名醫繆翁慕松裒羣書而鈎其玄以指醫家而南者也翁幼業儒邁母病去精軒岐家言卒長壽其母今萬曆癸未余未免喪而瘍小愈苦神理未王適翁居停余內弟王正甫待曙樓中迺需診焉譚余受病處若照腑臟已邑中就視者屢

相錯靡不應手愈至有羣醫袖手莫
先發其誰何者翁卒而投之刀圭亦
靡不輒起也余於醫無所覩異而膚
叩其說翁亦膚而應曰吾何能有加
於人人哉吾蓋不務藥之施而務病
之識也古方書具在斯藉以索二豎
于膏肓上下者不繇望聞問切乎輒
近世恒耳視而目聽以望聞識者十

未見一二焉以問切識者十得二三
而本或諱於病者之口脉或眩於視
者之指虛實表裡瞶々爾已而姑嘗
試以偉一中即慎事者亦持兩可以
執其中候藥力形見以定症名嗟々
參苓芪朮匪不靈于補也而以之續
骨則舛矣烏喙全蝎非不良于攻也
而以之益元則謬矣幾何而不倒行

逆施之耶吾弗敢矣余始驚而復叩
曰然則識病有法乎翁曰有之而且
捷也目指其篋謂余吾所辛勤四三
十年搜抉數十百焉欲以一得之見
而起天下之疲癯振斯人之聾瞶者
志在此也烏乎無其法余受而讀之
則有全書在焉病標其名名系其類
察司天之候定生死之脉列辯驗之

方無論業是業者輟然大覺余亦庶
幾不終大寐也已時余外兄盛玄圃
氏在座曰吾遜志於醫久矣嘗見翁
鋟傷寒撮要意謂盧扁為之後至李
朱弗論也茲書而廣其傳也活世開
來彼宣公非鄉之聞人歟翁曰可哉
直吾尚有幼科外科在而力未足以
從劑刷氏之役也茲其先之遂付諸

梓

賜進士第徵仕郎中書舍人讓里鄒
龍光撰

識病捷法目錄

一卷 各湯藥炮製法開第九卷

泄瀉 治症二十二名不治

痢疾 治症三十七名不治

脾胃 治症二十八名不治

瘧疾 治症三十一名不治

傷風 治症一名

傷寒 二千五百開傷寒十死症

二卷 各湯藥炮製法開第九卷

癘風 治症二十六名不治

黃疸 治症十七名不治

癰亂 治症十四名不治

內傷 治症十九名不治

關格 治症三名

嘔吐 治症二十八名不治

小便 治症三十九名不治

大便 治症十五名

三卷 各湯藥炮製法開第九卷

癆瘵 治七十一名不治

虛損 治二十一十二名不治

吐酸 治十名

痰飲 治二十一十二名不治

積聚 治十四名

諸氣 治二十一十二名不治

諸血 治三十六名不治

四卷 各湯藥炮製法開第九卷

癰脹 治四十四名不治

水腫 治二十八名不治

咳嗽 治五十七名不治

喘哮 治二十一十二名不治

暑 治十四名不治

濕 治十四名不治

惡寒 治一名

惡熱 治一名

五卷 各湯藥炮製法開第九卷

噎痛

治二十名不

痞滿

治八名

眼科

治二十名

燥

治十二名

火熱

治九十名不

積熱

治八名

中寒

治六名不治

痼冷

治四名

六卷

各湯藥炮製法開第九卷

中風

治十六名不

頭風

治一名

腦漏

治一名

大頭風

治一名

頭痛

治二十一名不

心痛

治十八名不

脇痛

治二十一名

腰痛

治二十一名不

腹痛

治症二十五名不

諸虫

治症七名不

七卷

各湯藥炮製法開第九卷

久病

治症八

鬱病

治症十五

耳病

治症三十六名下

舌口

治症二十四名不

牙齦

治症十五名下

瘰癧

治症六名不治

痿症

治症七

痺症

治症三十

脚氣

治症十三

鼻

治症八

八卷

各湯藥炮製法開第九卷

急救

治症二十

異症

治症九名

癰症

治症十一名不

癩病

治症四

怔忡 名三

驚悸 名三

健忘 名三

腋臭 名五

疝氣 名八

消渴

金瘡科

九卷 各湯藥炮製法開第九卷

下盤 名二

諸毒 名二十

咽喉 名七

咳逆 名十

厥逆 名一十二

破傷風 名八

遺精 名十

白濁 名八

汗斑 名七

斑疹 名一十二

眩暈

一名十

神鬼病

各八

十卷

各湯藥炮製法開第九卷

女科

二百一十

識病捷法卷之一

蘇郡長洲慕松繆存濟纂集

總論

夫諸書以風為百病之長悉冠於首余思人以脾胃為主經云脾臟一傷四臟俱無生氣書曰有胃氣者生無胃氣者死又曰人之命蒂皆本於中宮中宮安得不重而以風為首哉况中宮受害無甚於瀉痢故今以瀉痢為首卷凡症涉於脾胃者皆列于前脾胃充實則氣血精元四者得以化生諸

邪無隙而入何病之有醫者司人之命貴乎識病
且如男女長幼在於四季豈無瀉痢乃是目前之
症瀉痢二字譬若人之一字乃通稱也殊不知瀉
痢細名五十有二詢之於醫考之於書皆不及其
數既不知其名難免於妄治之失也原情非醫之
罪蓋由先代醫師二百三十七人各以所見相傳
不會於一冊是以後世詳之者寡矣今將各部各
門刪其重複查出病名補其缺畧理正逆順併歸
於一盡開名數庶無遺漏且易曉也又以緊要科
目為各卷之首章各病門附論以明得病根因通

計病之名數有一千八百一十一名內有不治症二百二十六名分為十卷名曰識病捷法或者少有利於民歟書云人為貴又云民惟邦本又曰人命關天民命之不可忽也明矣是故良相救民甚於水火良醫濟人甚於頭燃良相良醫救民濟人莫非惻隱之心也今人不以所任為重惟究所患則投其劑竟不言病名烏得謂之識病者也且各病湯名乃前人藥案後人但可以為規矩而有執泥全用者非也古人因病製方非製方待病立方之時以望聞問切融會胸中定分南北風土老幼

元氣虛實司天時令內因外因不內外因病之淺深新久苦樂勞逸情性緩急當世之病雖同已上二十七項情節安得件件皆然所以各病門加之治法秘法誠為活潑潑而有萬全之策也士庶後學潛心均覽誤治之失絕然而無矣是為論

藥規情弊犯之致危係
干緊要所以開列于前

新增

一病家童僕煎藥因無干已不以為事或將藥燒乾添水則藥味已去或因主人要藥煎不得所就傾應命則藥味未全似受其無心之害須令年老小心謹慎人煎之可也

一人有妻妾房婢者多生嫉妬或有疾病須招妻妾家六親之內一人煎藥無離藥罐左右以革因病因藥陰謀下毒之意

一出仕經商多有不服水土為病者就不可用

病藥先宜調理脾胃多加五茄皮服三四貼
不愈後用本病藥如先用本病藥則是不知
標本投劑之誤耳

一古云人有旦夕禍福不可意必疾病有無平
日要用心擇醫臨期不得卜醫可否假使上
醫俱占上卦世間則無下醫矣

一人有素怕服藥亦有胃虛怕服藥者不可強
與服之愈傷胃氣須將甘味淡味藥為糕或
為丸將米飲送下則病人悅服又免坐以待
死之急也

一煎藥須要藥罐潔淨水及新鮮藥帖不可近燈油之下亦不可與他藥並處四者錯一則為膏壤之隔也

一病人不知自己病之淺深倘病深藥力淺服幾劑不効意求速愈又去更醫藥劑亂投是謂急走多顛躓也

一人病先要論南北風土人之稟氣厚薄如西北二方稟氣厚風寒多雖患熱病不可純用寒藥東南二方稟氣薄濕熱多雖患寒病不

可純用熱藥

校正病八六不治

病可治犯此六者反不治

一信巫不信醫

一輕命重財

一心意不寧

一恣情飲啖勞碌

即勞役

一諱疾忌醫

一衣食不足

校正醫人五失

病雖可治失此五者反致人於不治

一失不令女人親屬細看病者面有何色可合於脉可合於病

一失不令女人在床幃中畧說三四病原以聽其聲輕重清濁

一失問因不究至一百五十四端今已細開傷寒門問字條下

一失不知病名今以細開本集

一失用藥不分輕重竒偶古法假如輕病先用藥一味為君不愈加一味為臣又不愈加一味為佐再不愈加一味為使以漸而加病藥

言
相宜九味為奇十味為偶前人恐傷胃氣元
氣如此立法今人不論病之輕重新久老幼
虛實動手便用十二三四味豈不謂之失乎

泄瀉門

有二十二名

泄者泄漏之義時時溏瀉或作或愈瀉者一時水下如注素問云春傷於風夏必飧瀉乃是脾虛受風木之邪又曰怒則氣上甚則嘔血輕則泄瀉叔和云濕多成五瀉皆因脾胃虛弱不能制於水濕有此五瀉然泄瀉不限在中宮其他臟腑受邪皆可為瀉故為泄瀉之名多矣

○生脉

道三

微小緩

○死脉

道四

大 浮 洪 緊

○不治症

六

洞瀉兼脉急 瀉痢前後 滑瀉

皮寒兼脉細 飲食不進 少氣

○辯驗寒瀉熱瀉法

寒瀉脉沉細身不動目精不了了飲食不下

鼻息不利

熱瀉脉疾數身多動聲音響亮暴注下迫大

便覺熱痛

○治法

凡瀉瀕看時令寒熱新久補脾消食燥濕利小便為上策

凡久瀉腸胃虛滑不禁者宜急澁之用赤石脂肉豆蔻之類

凡瀉有下陷之氣用升麻防風升提其氣

凡瀉有宜汗者如火瀉飧瀉用蒼朮防風麻黃凡瀉有宜下者如瀉止復瀉為下未盡或傷食瀉並用樵香散

凡瀉世俗多用澁藥必變他症若瀉久虛者可

用

凡瀉腸鳴不止久不愈者必用訶梨勒丸

凡止瀉用肉豆蔻春一两五錢夏一两秋冬一两五錢為末姜汁神麴糊為丸寒加炒熟吳茱萸熟加黃連滑石

凡白瀉用五味子二两吳茱萸五錢同炒香熟為末每服三錢陳米飲送下空心臨卧服

凡瀉用白朮陳皮白茯苓白芍藥已上四味必不可缺

如傷食積加神麴麥芽山柎各一錢黃連炒

七分

如腹中窄挾滿悶加厚朴枳實木香各五分
如小便赤澁短少加猪苓澤瀉木通各一錢
如夏月加茵陳七分山梔四分

如口渴引飲加乾葛麥門冬各錢半升麻四分
烏梅一箇

如夏秋加黃連蒼朮澤瀉各錢半升麻木通各
五分

如冬月溼瀉傷飲食生冷加神麴麥芽甘草炙
各一錢砂仁益智木香各七分

如發熱躁渴加乾葛石膏各一錢

如飲酒瀉加黃連茵陳各一錢木香五分神麴
麥芽各八分

如久瀉胃氣陷下服利小便藥不効加人參黃
芪各一錢黑瘦人去人參倍加白朮升麻柴
胡各四分提起胃氣

如因怒氣泄瀉加木香怒時兼飲食加檳榔
凡瀉久雖愈必須服加減六味地黃丸一料以
補陰血脾胃三因之邪始不得入經云下多
亡陰陰即血也血少諸病生焉

風瀉

即飧瀉春傷風夏有此瀉

飲食完出夏初有此症名曰飧瀉○服神朮散加防風氣虛病久加人參黑瘦人去參用白朮

寒瀉

瀉時腹脹滿食即嘔吐名曰寒瀉○服荳蔻散

暑瀉

瀉時發熱或煩渴引飲所下如水小便不利○服胃苓散

濕瀉

體重嗜卧四肢無力瀉無度如豆汁水腹不痛

者名曰濕瀉○服五苓散

火瀉

腹痛暴注瀉水不已腸鳴痛一陣瀉一陣者名曰火瀉○服桂苓甘露飲

水瀉

脾經虛寒受濕四肢冷身重微滿不知穀味瀉無度飲食不化名曰水瀉○服白朮芍藥湯

洞瀉

四肢厥冷頓瀉名曰洞瀉○服木香訶藜勒丸

濡瀉

是濕自甚

體重軟弱手足冷心腹疼脚轉筋瀉下如水名
曰濡瀉○服肉豆蔻散

滑瀉

臟腑久虛挾寒不食口生白瘡久瀉不能禁固
是濕勝氣脫名曰滑瀉多致危○服百粒丸

溏瀉

漸下汚積粘垢是濕兼熱名曰溏瀉○服五苓
散加黃連炒半黑

驚瀉

小腹生寒糟粕不化大便色黃清冷小便清白

是濕熱名曰驚溏瀉○服葶撥丸

脾泄瀉

五更或早晨大便或瀉或溏下一二次則止高
年富貴人并齋素久者多有此症名曰脾泄瀉
○服四製白朮丸

胃瀉

飲食不化色黃名曰胃瀉○服煖中湯

胃寒腸熱瀉

飽脹大便似溏瀉下甚熱名曰胃寒腸熱瀉○
服當歸黃連丸

腸胃虛寒瀉

飲食不化腸鳴腹痛脫肛或作膿血日夜無度
名曰腸胃虛寒瀉○服訶子皮散

大腸瀉

食已窘迫大便色白腸鳴切痛名曰大腸瀉○
服訶梨勒丸

小腸瀉

小便膿血小腹痛名曰小腸瀉○服七味丸

腎瀉

由腎虛五更溏瀉經年不止小便頻數盜汗名

曰腎瀉○服金鎖正元丹

酒積瀉

清晨遇飲食腹便微疼下一二次即止名曰酒積瀉○服枳香散加澤瀉神麴葛根

食積瀉

噯氣吞酸腹脹滿瀉下極臭腹痛瀉後痛減名曰食積瀉○服枳香散加草菓神麴山柎青皮

或服胃苓散

痰瀉

或瀉或不瀉或多或少小便清白搔眉稜耳沿

覺爽快名曰痰瀉○服二陳湯加赤茯苓枳實
青皮

大瘕瀉

大便欲瀉又瀉不出裡急後重或莖中痛名曰
大瘕瀉○服除濕防風湯

氣脫瀉

腹脹經久忽瀉數升晝夜不止服藥不効名曰
氣脫瀉○服益智湯

○諸藥製度法開末卷

除濕防風湯

防風

白芍藥

各錢半

赤茯苓

白朮

各錢一

蒼朮

錢三

甘草

分五

右水二鍾

煎至一鍾空心服

當歸黃連湯

黃連

錢三

當歸

乾姜

甘草

各錢二

右水二鍾

煎至一鍾食前溫服

白朮芍藥湯

白朮

錢五

甘草

錢二

白芍藥

錢五

右水二鍾

煎至一鍾食前服

益智湯

益智仁

錢五

○右水一鍾半煎至六分不拘時服

二陳湯

半夏

陳皮

茯苓

甘草

各三錢

右水二鍾姜三片煎至一鍾食後服

桂苓甘露飲

茯苓

澤瀉

各一兩

石膏

寒水石

各二兩

滑石

四兩

白朮

肉桂

楮苓

各五錢

右為末每服二三錢白滾湯調下

當歸黃連丸

當歸

黃連

各二兩

厚朴

赤茯苓

吳茱萸

訶子

木香

各一兩

右為末煉蜜為丸如梧桐子大每服三十丸食

前米飲送下一日服三次

華撥丸

華撥

附子

厚朴

肉豆蔻

乾姜

各一兩

縮砂仁

龍骨

訶梨勒皮

錢五

右為末麵糊為丸如梧桐子大每服二十九食

前米飲送下一日服二次

木香訶梨勒丸

木香

白朮

高良姜

肉豆蔻

各一兩

訶梨勒

錢三官桂

蕪荑

各一兩半附子

厚朴

各二兩甘草

乾姜

錢一

右為末神麴末煑糊為丸如梧桐子大每服三十丸食前生姜鹽湯送下

百粒丸

紅椒

胡椒

附子

丁香

乾姜

麥芽

各等

○右為末醋煑大蒜為丸

如梧桐子大每服百粒食前米飲送下

金鎖正元丹

五倍子

茯苓

各四兩

龍骨

硃砂

各一兩半

肉蓯蓉

紫巴戟

葫蘆巴

各八兩

補骨脂

五兩

右為末酒煮糊為丸如梧桐子大每服五七十

丸空心溫鹽酒送下

四製白朮丸

雞腿朮一觔

破故紙

白茯苓

變芽

厚朴

各一兩

肉蓯蓉

各四錢

○右為末神麴糊為丸如

梧桐子大每服百丸食後白滾湯送下

煖中湯

陳皮

半夏

各一錢

澤瀉

楮荅

各八錢

肉蓯蓉

二錢

枳實

八分

神麴

山柰

各一錢

桔梗

分五

黃連

分五

○右水二鍾姜三片食後服

樨香散

即木香樨榔丸方見積聚門

五苓散

白朮

楮苓

茯苓

各一兩半

澤瀉

一兩五錢

桂

一兩

右為末每服三錢白滾湯調下

神朮散

蒼朮

一斤

藁本

川芎

各一兩六錢

羌活

四兩

粉草

細辛

各一兩六錢

○右為末每服三錢姜湯調下如

要發微汗加連根葱白頭泡湯送下

肉荳蔻散

肉荳蔻

乾姜

厚朴

陳皮

甘草

各二兩

茴香

肉桂

訶子皮

川烏

各一兩

蒼朮

四兩

右為末每服二錢生姜紅棗煎湯不拘時調服

訶子皮散

訶子

七分

乾姜

六分

櫻栗殼

陳皮

各五錢

右為末分作二服每服用水一鍾半煎至七分

和滓熱服空心再服全愈

胃苓散

胃即平胃散
苓即五苓散

痢疾門

有三十名
外附七條

古謂滯下又曰腸辟今名痢疾此症多由脾胃不和飲食過度停積腸胃不能尅化又為三因所干而成斯疾治若驟用櫻栗訶子之類止澁使停滯不行多致危殆

○生脉

道三

沉小細

○死脉

道七

浮洪緊大實絃急數兼有熱

○不治症名一

便血兼身熱死

血脫兼脉實死

下如塵腐色死

大孔如竹筒死

下如屋漏水死

唇如珠紅者死

熱見七日者死

筋攣兼脉大緊死

純血半生半死

魚腦色半生半死

手足冷無脉灸不溫脉不至反微喘死

○辯驗寒痢熱痢法

寒痢脉微遲小便不澁穀食不化色不變吐痢腥穢澄微清冷不渴

熱痢脉疾數小便黃赤穀食雖化色變非白

微渴

○治法

二十條開後

經久痢

痢一二年起至數年不愈者名曰經久痢○服獨黃湯一帖後服固本丸調理元氣充足

休息痢

痢旬日或經月愈而復作腹疼困弱名曰休息

痢○服神助散

五色痢

下五色膿血或如爛魚腸糞小腹中攪痛呻吟
叫呼聲聞於外○先服瓜姜散不愈再服歸連
丸

禁口痢

脾胃濕熱之毒薰蒸心肺以致胃口閉塞而成
禁口不食○服蓮心散

風痢

純下清血或痰或鮮微汗惡風○服防芍湯

冷痢

舌上生瘡飲食無味嚔下復吐小腸雷鳴時時

心悶皮乾粟起膝脛酸疼兩耳絕聞四肢沉重
日漸瘦或成塊○服猪脰丸

冷熱痢

冷熱不調下膿血不止腹痛甚不能食日漸形
瘦乏力○服阿膠丸又方用甜菜絞汁服立愈

暑痢

下鮮血甚則昏迷不省人事○服地榆散加香
薷匾豆

濕熱痢

下如豆羹汁或血水體重嗜卧脉沉細食少腹

痛後重○服胃風湯加黃芩為藥湯

濕毒痢

久不斷體疲多困坐則閉目食不下○服蟬蛇
胆湯

熱痢

下黃赤膿血腹痛心煩困悶○服黃連丸甚者
變血下名熱毒痢○服鬱金散

穀痢

痢無期度食不化腹痛每遇冷食便發○服附
子五味散

水穀痢

不論老幼日夜百餘行○服神妙橡實散

傷食痢

飲食過傷恣食辛熱寒冷之物致傷脾胃不能運化蓄停為痢腹滿痛惡食吞酸○服枳香散

食毒痢

飲冷熱醴臨腸胃粘滯久積成毒痢○服檳香散加酒炒黃連乾姜炒黑少許澤瀉

酒痢

素能飲酒者又因一時過飲痢即發者名酒痢

○服葛根湯

氣痢

先瀉後痢脇痛或心腹痞痛腹內虛鳴○服木香砂仁散不愈再服巴石丸

血痢

心煩熱燥不納穀大小便下血不止○服木香烏梅丸

又下血腹不痛謂濕毒下血○服黃連丸

步瀝痢

下痢時腹與臍脇疼○服神驗丸加青皮

憂思痢

下褐色腹微痛後重頻便食減微熱脉絃神氣大減○用參朮為君當歸陳皮為臣川芎白芍藥茯苓為佐時熱少加黃連此為出於臣子綱目

脾毒痢

下血如鵝鴨肝狀腹痛不止○服地榆湯

心肝痢

初痢赤色身體並不增寒壯熱名曰心肝痢○服黃連一兩蜜拌一宿炙令香熟木香三錢為末每服二錢陳米湯下

腸辟痢

飲食不節起居不時者陰受之陰受入五臟膜滿閉塞或稀或稠便似膿極滑或先為飧泄久為腸辟痢也○服豈蔻八味散

小腸痢

小腸冷氣積聚結成痢日夜三四十行○服蒼朮散

腸蠱痢

先下赤後下黃白沫或下血如鷄肝體熱心腹中煩悶連年不瘥○服牛膝一两酒一升浸一

宿空心飲之

虛痢

脾胃虛弱日夜頻數身重微不知穀味或不禁
裡急後重或五色鮮血○服神効參香散加枳
柳

喫逆痢

吃病氣後下衝上屬火胃氣虛弱亦有痢久多
見此症○服人參養胃湯加枳實玄參青皮
疳蠱痢

唇内生瘡多腫面黥時腫下部痒痛不止○服

鷄子一枚取黃好漆一合和勻空腹仰頭頓服
令盡當吐出虫即愈

疫痢

一家長幼傳染而痢先論病人虛實冷熱○服
敗毒散倍加人參甘草陳皮

疫毒痢

毒痢不一惟寒犯心為重初痢時先發寒熱投
藥治之其熱不退反甚食則嘔逆下痢不止熱
如火要在涼處思吃冷水忽思狂走渾身痛着
手不得此症十難治其三四治此痢須是仔細

首尾識病根源然後吃藥初時痢先發寒熱忽頭痛或壯熱忽轉數行便下赤痢忽先下赤後變白或如紫草水或如莧菜水色澤者寒邪犯心之重也或赤白相等寒濕之氣相搏也先治其寒○並服護命方但六甲六庚逢地支子午并辰戌年及春夏之內時氣多寒人得痢此藥通神六甲逢丑未之歲濕化偏多人得痢疾即此方內加草豆蔻一兩

小兒八歲下痢純血作食積治

用蒼朮白朮黃芩芍藥滑石茯苓甘草陳皮神

麴煎藥送下保和丸

痢後脚弱漸細

用蒼朮二兩白芍酒炒龜板酥炙各二兩五錢
黃栢五錢當歸川芎熟地陳皮各二兩甘草五
錢為末丸如菉豆大白湯下二錢

痢後脚痛無力

用陳皮半夏白朮川芎芍藥黃芩各二兩為末
丸如菉豆大食後臨卧白湯送下一錢五分每
日服二次

痢後虛浮

服益元散外用甘草湯淋洗

瘡痢交作

用赤小豆同豆豉煮五味羹任性服之

痢後氣滿不能食

用赤小豆煮一頓服之即愈

痢後脫肛

治法見大便門

○治法

凡寒痢或不足症穀食雖化不能盡惟覺倦脉
絃濡浮大宜溫補之

凡熱痢或有餘症忌龍骨石脂粟殼等藥初患痢忌用參朮

凡初痢不分赤白宜用黃芩黃連大黃當歸芍藥輕則木香檳榔丸下之

凡痢重者反用大黃湯痢輕者前丸

凡痢五日前可用行藥厚朴青皮甘草大黃黃芩少許五日後不可用元氣壯實者五日後亦可用行藥

凡痢白色者濕熱傷氣分用黃芩芍藥湯加白朮陳皮甘草桃仁滑石

凡痢赤色者濕熱傷血分用益元散加木通芍藥陳皮白朮

凡痢赤白色者氣血俱傷用香連丸

凡痢青綠雜色者是風火濕用防風蒼白朮山梔黃柏

凡痢赤黑色如豆汁水者是濕毒用木通澤瀉茯苓梔子

凡痢白青色穀食不化者是寒用炒黑乾姜凡痢紅黃黑三色皆是熱用黃芩黃柏山梔凡痢黃色者是食積用山楂枳實神麴麥芽

凡治血痢熱痢用大黃黃芩黃連黃栢枳殼川
芎芍藥滑石甘草桃仁白朮等分神麴糊丸
服六十丸

凡久痢膿血稠粘用香連丸和之

凡下痢食少膿血稀薄如豆汁者元氣虛也用
川芎當歸人參白朮粟殼甘草

凡血痢久不愈用四物湯為主加涼血和血藥
川芎桃仁之類

凡痢身熱挾外感不惡寒者用小柴胡湯去參
如發熱惡寒身痛此為表証宜微汗和鮮用

蒼朮川芎陳皮芍藥甘草生姜口渴去半夏
加黃連

凡痢裡急後重者用木香檳榔兼升提用升麻
凡痢大孔痛者用木香檳榔黃芩黃連久痢身
冷自汗脉沉小加炒黑乾姜

凡痢嘔者因胃氣不和上焦不和用生姜陳皮
中焦不和用芍藥川芎當歸茯苓有胃火逆
上嘔者有胃虛嘔者有食積滯毒氣上冲嘔
者有陰嘔者有寒涼傷胃嘔者

凡痢久積少反後重者用升麻防風羌活川芎

升舉之腹痛甚加枳椇木香檳榔白芍滑石之類

凡痢久不止者用澁藥櫻栗訶子石榴皮枯礬烏梅龍骨赤石脂等藥

凡痢久諸藥不効六脉沉細用十全大補湯加姜棗蜜少許煎服

凡痢久秘方用烏梅二十箇水一鍾煎六分食前服分作二次

凡痢不寃何名秘方用五倍子新瓦上焙乾為末水丸如梧桐子大每服三十丸紅痢茶下

白痢酒下小兒二十九忌魚腥

凡暴痢秘方用蒜搗爛兩足下貼之

凡惡痢秘方用白頭翁草煎湯服之立愈

凡下異常積有紫黑血腹痛甚者是死血用桃

仁滑石

凡治痢先瀉腸胃之濕熱開鬱結之氣消化積滯通因通用其初痢只是下之下後未愈隨證加減後方稍久不可下脾胃虛故也痢多屬熱亦有虛與寒者用黃芩炒枳殼炒各一錢半白芍炒二錢黃連炒一錢黃芩黃連芍

藥三味乃痢疾必用之藥也檳榔一錢炙甘草三分木香磨入藥五分作一貼水二鍾煎服

如腹痛加當歸砂仁各一錢再加芍藥木香各五分

如後重加滑石炒一錢半枳椏檳榔芍藥條芩各五分

如白痢加白朮白茯苓炒滑石陳皮各一錢如初痢欲下加大黃五分

如食積加山楂枳實各一錢

如紅痢加川芎當歸桃仁各錢半

如欲下之再加大黃

○如紅白相雜加川芎當歸桃仁各錢半以理血滑石蒼朮陳皮各錢半以理氣

○如白痢久胃弱氣虛或下後未愈減黃芩黃連芍藥各七分加白朮黃芪茯苓陳皮各一錢半砂仁五分去檳榔枳殼加乾姜五分

○如血痢胃弱血虛或下後未愈減黃芩黃連各五分加川芎當歸熟地阿膠槐花陳皮

白朮各一錢去檳榔

如痢已久後重不除大腸墜下去檳榔枳殼
用條芩升麻以提之

如痢兼嘔吐加軟石膏一錢半陳皮一錢山
梔炒五分入姜汁少許緩呷之

如誤服溫熱止澁之藥雖痢久亦宜用前法
下之下後調之

如初痢便用下藥未愈且不可用調理法治
之若久此屬虛寒而滑脫急宜溫補藥加
龍骨赤石脂粟殼烏梅肉澁之

地榆湯

地榆

石榴皮

赤芍藥

厚朴

甘草

各半分

阿膠

白石脂

龍骨

各五錢

右分作二服每服用水一鍾半煎至七分空心
午間溫服

獨黃湯

錦紋大黃

一斤

右用煮酒二鍾浸半日煎至一鍾分二服先一
半未利再服以利為度服後黃芩芍藥湯和之
芍藥黃芩湯

芍藥

黃芩

各一兩

甘草

五錢

右分作二服每服用水二鍾煎至一鍾食遠服

蚺蛇湯

蚺蛇膽大如豆二枚煮通草汁

右將通草汁研膽以意多少飲之塗五心下部

防芍藥湯

防風

芍藥

黃芩

各三錢

石水二鍾煎至一鍾食遠服

葛根湯

葛根

枳椇

半夏

生地黃

杏仁

茯苓

各二錢半

黃芩

一錢

甘草

五分

右分作二服每服用水二鍾黑豆百粒生姜五片白梅一箇煎至一鍾食前溫服

倉米湯

倉粳米

半升

香豉

三升

薤白

一握

羊脂

一片

右先以羊脂油煎薤白倉米黃色入鼓汁煎取四升平旦空腹溫服一升如人行十里工夫又服一升得快痢止若痢不止又服一升如痢復作更服一劑煎服法同前

人參養胃湯

言外補心第一

人參

茯苓

半夏

厚朴

陳皮

蒼朮

藿香

甘草

草菓

錢一

右水二鍾姜三片煎至八分食前溫服

十全大補湯

見虛損門

四物湯

見諸血門

小柴胡湯

見傷寒門

歸連丸

當歸

黃栢

黃芩

阿膠

熟艾

各二兩

黃連

錢四

右為末用醋二升煮膠烱下藥末煮令可為丸

如豆大每服七八十丸日服二次夜服一次米湯送下產婦加蒲黃一兩煉蜜為丸

黃連丸

黃連

二兩半

羚羊角

黃栢

各一兩半

赤茯苓

錢五

右為末煉蜜和丸如梧桐子大每服二十丸姜湯送下暑月下痢用之尤驗

蕪荑丸

黃連

二兩

蜣蛇膽

錢五

右為末煉蜜為丸如梧桐子大每服三十丸食前杏仁湯送下一日服二次

阿膠丸

治氣痢

阿膠

乾姜

木香

黃連

當歸

黃芩

各一兩

赤石脂

龍骨

各二兩

厚朴

一兩五錢

右為末用蜜十一兩煉成珠為度入藥末內杵千下丸如梧桐子大每服三十丸米湯送下

巴石丸

右白礬飛令雪白謂之巴石以熟猪肝作丸空心米湯下丸數隨人力氣加減得水牛肝更妙

木香烏梅丸

治大小前

烏梅

三斤

絲瓜

百草霜

木香

各二兩

黃芩

黃連

黃栢

梔子

枳殼

當歸

各一兩

半夏

大黃

各五錢

陳皮

八錢

神麴

四兩

○右為末濃米飲為丸如梧桐子大每

服百丸空心食前白滾湯送下一日服三次

神驗丸

陳麴

吳茱萸

各一兩

黃連

蕪荑

各三錢

右為末生姜自然汁和為丸如梧桐子大每服

十五丸溫米湯送下

通神丸

五靈脂

乳香

沒藥

各一兩

巴豆霜

半錢

右為末滴水為丸如黃米大每服五丸小兒三
丸白滾湯送下

猪脰丸

右用猪脰一具細切青蒿葉一合相和微炒以
無灰酒一大升火溫之乘熱入猪脰青蒿加桂
心末一兩於酒中每日平旦空腹取一小盞服
之午時夜間各再一服甚驗忌食面油膩等物
香連丸

黃連

二十兩用吳茱萸十兩同木香八錢

右為末醋糊丸如梧桐子大每服二十丸空心

米飲送下

五苓散

方見瀉門

附子五味散

附子

細辛

白朮

各五兩

乾姜

四兩

神麴

升○右為末米飲送下一是稍加至二是忌食

猪肉水冷桃李雀肉

斗門散

治八種毒痢

黑豆

一兩

乾姜

二兩

櫻栗殼

四兩

地榆

甘草

各三兩

白芍藥

一兩半

右分作二十服每服水二鍾煎至七分溫服
神助散

當歸

烏梅肉

黃連

各等分

右為末大蒜研泥和藥為丸如梧桐子大每服
四十丸厚朴煎湯送下

欝金散

欝金

無欝金升麻代

槐花

各五錢

甘草

炙七分

右為末每服二錢食前豆豉湯調下

椽實散

椽實

二兩

乾楮葉

炙一兩

右為末每服一錢不拘時烏梅湯送下

益元散

滑石

六兩

粉草

一兩

右為末每服三錢白水調無時服

木香砂仁散

木香

二兩五錢

砂仁

一兩五錢

枳殼

訶梨勒皮

各三兩

右為末每服一錢空心陳米飲調下良久以食

壓之

百中散

列治法
條下

櫻粟散

厚朴各斤

右為末每服三錢空心米湯下忌生冷油膩鷄魚

瓜蒌散

治五色痢久不愈

瓜蒌

一箇

右為末作一次服用溫酒調下

地榆散

地榆

赤芍藥

黃連

青皮

各等分

右為末每服三錢新汲水調下若血痢水煎服

荳蔻八味散

肉荳蔻

丁香

各二錢

細辛

附子

乾姜

各四兩

黃芪

人參

各五錢

赤石脂

六兩

右為末米湯送下一匙稍稍加至二三匙忌食

葱猪肉冷水

參苓散

白匾豆

木香

人參

各二兩

茯苓

肉苳蔻

各四兩

櫻栗殼

陳皮

各十兩

右為末每服三錢米湯調下不拘時服

倉米散

右用倉中陳黃米二合淘淨用水一鍾半煎至

七分去米空心溫服一日服三次

不二散

治諸瀉痢神効
開治法下去

櫻栗

青皮

陳皮

各二兩

當歸

甘草

乾葛

各一兩

○右作九服每服用水二鍾半煎至

一鍾服如赤白加酸石榴皮一片同煎極妙

棋香散

見積聚門

蓮心散

石蓮肉

乾日

○右為末每服二錢陳米飲調下便

覺思食仍以日照東方壁土炒真橘皮為末姜

棗畧煎佐之

護命方

麻黃

官桂

各三分

大芎

白朮

各二兩

藁本

獨活

桔梗

防風

芍藥

白芷

各半兩

牡丹皮

甘草

各一分

細辛

八銖

牽牛

四銖

○右為末每服二錢非時熟湯調下和滓熱

喫若喫兩二盞寒熱不退更不請喫自別有方論在下

若喫此藥後寒熱已退赤痢已消減便脩合第二方第三方藥喫取安効

若寒熱已退赤痢未消減更服兩三盞然不可

多喫一日只兩盞後赤痢消減忽變成白痢旋次脩合第二方喫候出後度數減少便脩合第三方喫取平安但六甲之年六庚之歲春夏之內時氣多寒人得前疾此藥通神若是六甲之年丑未之歲濕化偏多人得痢疾先發寒熱即於方內添草豆蔻一兩同脩合也又不問太歲但一年間春夏之內多寒人有痢疾先發寒熱並宜喫此方

治毒痢初得時先發寒熱喫前方寒熱已退赤痢已消減宜進此還真散若喫前方藥寒熱未退

赤痢未消減更不宜進此藥但天地變化其候

非常痢疾證候多端此不得不盡其子細

訶子

五箇用麪裹火炮熟不要生亦不要焦去麪就熟咬破訶子去核不用只用皮焙乾

石搗羅為細末每服二錢匕以米湯一盞半同藥煉取一盞空心和滓喫若吐出一两口涎更佳如此喫經數盞大腑漸安出後減少脩合第三方藥喫以牢固大腸若喫前方藥壯熱未退血痢未減不可進此藥

治疫毒痢喫前面兩方藥病熱已減所下之痢上餘此小忽下清糞或如鴨糞忽如熱湯或如濁

水忽只餘些小紅丸服如此方以牢固大腸還

服真氣舶上硫黃丸

舶上硫黃

二兩去砂石淨為末

薏苡仁

二兩炒熟為末

右二末相和令勻滴熟水和為丸如棗豆大每

服數丸空心以米湯下

百一選方

即地榆散方見本門

澹寮方

開末

萬應丸

開末

保和丸

開末

敗毒散

開末

貼臍法

開末

脾胃門

附飲食傷共二十八名

脾胃位居中州屬土性緩味甘色黃喜濕好乾惡寒惡熱惡濕陰陽各半稟受天地中和之氣無物不受無物不包故胃為水穀之海脾為消化之器而氣血精元四要皆賴飲食入胃脾經磨化遊溢水穀精氣上輸於脾施布於肺總統於心藏於脾肝滲泄於腎其精氣清之清者為氣清之濁者為血授之於十二經但受之者多寡不同耳所以人之命蒂皆本於中宮經云入穀則昌絕穀則亡然

雖本於五穀五畜五菜五菓五味慎勿以太過不及以傷其正且人之百病皆由脾胃衰而生傷而作也及論其傷之為病不一飲食傷胃勞碌傷脾饑則損氣飽則傷氣勞則氣耗逸則氣滯喜怒憂恐皆能損胃之氣惟飲食所傷有異一則內弱強食二則內弱少食不可便以飲食所傷用峻利之劑攻逐致使中宮愈虛書曰脾臟一傷四臟俱無生氣豈可傷而復傷以陷于死乎故莫重於脾胃而列於前也

○總脉

春脉微絃

夏脉微洪

秋脉微毛

冬脉微沉

○凶脉

脉絃浮死

○不治症

飲酒發熱

○飲食總脉

右関脉沉滑是食不消

上部無脉下宜下用承氣湯

下部無脉上宜吐用瓜蒂散

○辯驗飲食傷法

傷食惡食右手寸口脉緊盛右關短滑噦氣
作酸惡聞食氣欲吐不吐惡心短氣胃膈痞
塞胃口作疼按之硬痛亦有頭疼發熱但身
不痛為異耳

○治法

凡諸病先觀胃氣

凡脾胃虛者本經藥四君子湯

凡治諸病時常審察有無飲食傷積但見胸
膈滿悶或噫氣噯酸惡食少食腹痛瀉泄

極臭便問曾食何物即先消導調理脾胃
然後用本病之藥若不審察藥雖對症而
不能効

凡病有食後即藥藥後即睡停積腸胃以致
藥傷者或有用藥太過反被藥傷者須當
識此要識藥傷法并治藥傷病詳見久病
門

凡治脾胃悉用辛溫燥熱之劑助火消陰變
為胃脘乾枯大腸燥結脾臟漸絕死日可
待殊不知脾胃屬土屬濕位居長夏故濕

熱之病十居八九況土旺四季寒熱溫涼
各隨其時不可偏用辛熱之劑

脾胃俱虛

強食填塞不化此有物也屬乎消化

脾胃俱虛

少食痞滿難運此不足也屬乎補養

脾胃俱虛

飲食不進或嘔吐泄瀉及大病後調助脾胃○
用參苓白朮散山藥各八兩白扁豆炙甘草蓮
肉砂仁桔梗薏苡仁各四兩共為末丸如菜豆

大每服二錢食遠白湯送下

脾胃俱虛

其證水穀不化胸腹脇脹滿少食嗜卧口苦無
味虛羸少氣○服加減思食丸

脾虛

其證四肢困倦腫滿食少肌瘦口苦無味少氣
小便不利為瀉為停食為喘○服補中益氣湯
隨症加減

胃虛

其證嘔吐噦逆泄瀉浮腫惡心○服補中益氣

湯隨症加減

脾胃俱實

其證發狂登高口内生瘡身重食不下腹脹中滿瘧亂○服大承氣湯

脾胃

口内生瘡口臭煩悶微渴頰痛心煩唇口乾燥壅滯不食○服瀉黃散

胃實

腹脹中滿停食瘧亂○病輕服旃香散病重服調胃承氣湯

傷脾

勞碌傷脾憂思傷脾脾傷內閉九竅外壅肌肉
此謂自傷脾氣削矣治法損其脾者調其飲食
適其寒溫居處

傷胃

飲食太過傷胃饑飽傷胃喜怒憂恐皆能損胃
氣此謂自傷胃氣削矣治法飲食之傷消導喜
怒等傷補胃順氣

心邪乘脾胃

其證必火亢乘於脾胃之位是至而不至為不

及也○宜服黃連為君黃栢生地為臣芍藥石
膏知母黃芩為佐甘草為使

肺邪乘脾胃

其證咳嗽短氣懶語嗜卧洒淅寒熱○服補中
益氣湯

肝邪乘脾胃

其證脇痛口苦往來寒熱嘔吐四肢滿悶淋瀝
便難轉筋腹痛○宜服柴胡羌活桂枝芍藥茯
苓楮芩澤瀉黃栢細辛

腎邪乘脾胃

其證作涎清涕有甲背脊痛冷○宜服乾姜白
朮桂枝蒼朮茯苓

脾虛惡服藥者

用白朮蒸八兩蒼朮米泔拌炒陳皮茯苓各三
兩粥丸送下

怠惰嗜卧

用半夏白朮肥人是氣虛宜人參蒼朮白朮半
夏甘草黑瘦人是熱黃芩白朮飲食太過轉運
不調枳實白朮為末白湯調服

飲酒傷

能飲酒者因飲酒而發熱者不治不能飲酒者
因飲酒發熱不治治法與傷寒同發汗利小便
上下分消其酒熱之毒平常酒病詳見內傷門
飲水傷

形寒飲冷湯水咳滿水瀉詳見咳嗽門泄瀉門
傷食

胸中宿食不消用半夏陳皮白朮川芎蒼朮

如聞食氣即嘔用半夏陳皮砂仁青皮

如脾胃壯實用黃連枳實消導之

如脾胃虛弱用白朮陳皮山朮麥芽神麴

傷飲食輕者

飲食不化心腹脹服枳榔丸

傷飲食重者

傷寒冷之物心腹脹滿作痛大便閉塞○服備急丸

食後感寒宿食不消

服丁香砂仁藟澄茄以溫之

食後乘風

初飲食畢隨即乘風納涼以致食不下形瘦腹大惡寒頭多汗隔塞不通右關脉絃緩浮○服

胃風湯

食自死六畜中毒

服黃栢末老酒送下二錢未愈再服

傷西瓜冷水牛乳寒濕之物

服白朮二錢川烏五分防風炙甘草各一錢丁

香一箇

傷羊肉麵濕熱之物

服白朮黃芩黃連各一錢大黃二錢炙甘草五
分白芍一錢腹不痛去芍藥枳實如痞悶加厚
朴如腹脹加枳殼如胸中不利加陳皮乾姜如

內寒加巴豆如食冷物加蒼朮如腹中窄挾加茯苓

傷濕熱之物胡椒姜蒜茴香燒酒等物

服枳實導滯丸或澤瀉二錢大黃一兩枳實神麴各五錢黃芩茯苓黃連白朮各三錢右為細末水發為丸如菉豆大每服百丸白滾湯送下老幼虛人五六十丸

枳朮丸

白朮

兩炒二兩

枳實

麴炒一兩

老人

虛人

脾病

人常

宜服

如元氣虛食少加陳皮一兩

如元氣素弱飲食難化多食疼痛作瀉加人參
酒炒芍藥神麴麥芽炒各一两砂仁木香各
半两如黑人瘦人陰虛人肺熱以白朮代參
如素有痰火胸膈鬱寒噯酸噯氣吞酸吐酸或
酒積瀉結痛酒炒黃連芍藥陳皮各一两石
膏生甘草各五錢砂仁木香各一錢川芎四
錢

如傷食過多痞塞不消加神麴麥芽山楂肉各
一两食積痞塊再加黃連厚朴俱姜製各半
两積堅者加蓬朮醋炒昆布各三錢

如傷冷食不消腹痛溏瀉加半夏姜炒一兩砂
仁乾姜神麴麥芽各半兩

如性亢多怒夾氣傷食加川芎香附炒各一兩
木香黃連姜炒各半兩

如胸膈不利過服辛香燥熱之藥致胃中乾燥
嘔吐噎膈反胃加黃連梔子各炒半兩白芍
川芎當歸各一兩桔梗生甘草石膏各半兩
如膈頑痰膠結及大便燥秘再加芒硝半兩
如素有痰加半夏橘紅白茯苓各一兩姜炒黃
芩黃連各半兩

如能食好食但食後反飽加酒炒芍藥一兩半
人參七錢石膏煨一兩生甘草半兩黃連香
附各炒四錢木香四錢

如年老脾虛血燥易飢易飽大便燥難加白芍
藥當歸各一兩人參七錢升麻甘草各四錢
山查麥芽桃仁各半兩黑瘦人去參用白朮

○諸藥製度法開末卷

四君子湯

即加陳皮半兩
六君子湯

人參

白茯苓

白朮

甘草

各三錢

右用水二鍾半煎至一鍾不拘時服

補中益氣湯

黃芪

半一錢

人參

甘草

各一錢

當歸身

白朮

柴胡

升麻

橘紅

各五錢

右用水一鍾半煎至八分食遠服

調胃承氣湯

大黃

兩一

甘草

二錢半

芒硝

四錢半

右分作三服每服用水一鍾半煎至九分服

加減思食丸

神麴

麥芽

各二兩

烏梅

四兩

乾木瓜

半兩

白茯苓

揀甘草

各二錢五分

右為末煉蜜和丸如櫻桃大每服一丸不拘時
細嚼白滾湯送下如渴時噙化一丸

瀉黃散

防風

兩四

藿香

錢七

石膏

砂仁

山梔仁

甘草

錢各五

○右分作七服每服用水

二鍾煎至一鍾食後溫服

參苓白朮散

人參

茯苓

白朮

白扁豆

山藥

蓮肉

砂仁

薏苡仁

桔梗

甘草

兩各一

九節菖蒲

飯上蒸
五錢

右為末每服三錢白滾湯調下忌食韭菜

大承氣湯

大黃

厚朴

枳實

芒硝

右水二鍾煎至九分食遠服

小承氣湯

大黃

厚朴

枳實

右水二鍾煎至八分食遠服

承氣湯

大黃

芒硝

枳實

黃芩

桔梗

杏仁○右水二鍾煎至一鍾服

胃風湯

白芷

二錢二分

升麻

二錢

葛根

一錢

蒼朮

一錢

柴胡

藁本

羌活

草豆蔻

黃柏

各三分

甘草

半錢

麻黃

五分

蔓荊子

一分

當歸身

一錢

右水二鍾姜三片棗一枚煎至一鍾溫服

瓜蒂散

瓜蒂

炒一兩

赤小豆

一兩

右為末每服三錢用水一鍾半入豉一合同煎至六分去滓溫服以汗得快為度亡血體虛者不可服

枳朮丸

白朮

兩四

枳實

兩二

神麴

兩一

右為末米飲丸如棗豆大每服五六十丸食後不拘時湯飲送下

備急丸

大黃

巴莖

乾姜

各等分

右為末煉蜜和為丸如小豆大每服二丸以利為度

枳櫛丸

見積聚門

瘧疾門

有三十一名

瘧之為病其名有五予復查其數故加之以五五
又一也然而名數雖多其感皆由饑飽勞逸六淫
七情傷諸臟腑要之總司者脾胃焉蓋脾主濕脾
濕動而生痰故云無痰不成瘧若脾胃充實安得
停痰而成諸瘧惟體虛之人則易感發發則呵欠
寒熱頭疼或先寒後熱或先熱後寒或單寒單熱
或寒多熱少或寒少熱多一日一發者受病一月
間日一發者受病半年易治二三日一發者難治

後為瘡母接成癆瘵此症人多忽焉殊不知瘡久而不速治之誠所謂坐以待斃也

○總脉

瘡脉絃

絃數熱

絃遲寒

絃滑食

絃瀉痰

絃緊風

○忌食

鷄

麩

麵

醋

生冷

魚鮮

茄子

○不治症

瘡母日久成癆瘵

○查驗瘡疾輕重來歷

瘡發在夏至後處暑前是三陽受病故輕

太陽經為寒瘡治多汗之

膀胱

陽明經為熱瘡治多下之

胃

少陽經為風瘡治多和之

胆

瘡發在處暑後冬至前是三陰受病故重

少陰瘡發在子午卯酉日

腎

厥陰瘡發在寅申巳亥日

肝

太陰瘡發在辰戌丑未日

脾

○治法

凡邪瘡新發者可散可截瘡十次後用如聖丹

塞耳不愈服如神丸

凡瘡久瘡者可補氣血

凡瘡過服截藥致傷脾胃必牽延不休

凡瘡必用貝母白朮柴胡蒼朮米泔拌炒隨症
加減

如渴加葛根一錢陳皮七分甘草五分

如熱甚頭痛加川芎石膏煨各二錢

如渴甚加石膏知母麥門冬各一錢

如間日或三日一發在午後或夜發者邪在

陰分加四物湯知母炒一錢紅花酒炒黃

栢炒升麻各四分提起陽分來後用如聖丹

如間一日連發二日或日夜各發者氣血俱病加四君子湯以補氣四物湯以補血如陽瘡多汗用參芪白朮以歛之○無汗柴胡蒼白朮黃芩乾葛以發之

如陰瘡多汗用當歸芍藥地黃黃芪黃栢以歛之○無汗用柴胡蒼朮川芎以發之

如胃弱食少加人參一錢半芍藥酒炒麥芽炒各一錢

如傷食痞悶或食積加神麴麥芽枳實俱炒
各一錢黃連五分

如日久虛瘡寒熱不多或無寒但微熱者邪
氣已盡只用八珍湯加柴胡黃芩黃芪陳
皮滋補氣血

凡瘡疾後變成痢疾從虛治用脾胃藥砂仁炒
黃芩炒黃連炒木香陳皮當歸各一錢白朮
炒錢半芍藥炒二錢水二姜三煎八不拘時
凡瘡在陰分用藥提起陽分來午後至夜半謂
之陰分夜半後至午前謂之陽分用川芎當

歸升麻柴胡知母貝母之類擇取

凡瘡甚者寒熱頭疼如破渴而飲水多汗可與
人參黃芪黃芩黃連梔子川芎蒼朮白朮

凡瘡大渴大熱用小柴胡湯去半夏加知母麥
門冬黃連

凡鬼瘡論時辰要查何時發起即用時下法治
肺瘡

令人心寒寒甚則熱熱間善驚目中如有所見
○服人參丸

心瘡

脾瘕
令人煩心欲得飲水寒多不甚熱○服甘草湯

令人不樂好大息多寒熱汗出病至則嘔吐止
乃寒寒則腹中痛熱則腸中鳴○服橘皮甘草
湯

肝瘕

在經令人腰痛小腹滿小便不利如癰狀非癰
意欲恐懼氣不足腹中悒悒○服木香犀角丸

腎瘕

在經令人嘔吐熱多寒少欲閉戶○服葶蓉丸

在臟令人洒洒然腰脊痛宛轉大便難目眴眴然手足寒○服烏梅丸

胃瘕

令人先寒洒淅寒久乃熱熱去汗出喜見日光火氣快然○服枳殼湯

在胃令人善饑不能食食則支滿腹脹○服順氣湯

胆瘕

令人體微寒不甚熱惡見人見人心惕惕如熱多汗出○服升麻湯

膀胱瘡

令人腰痛頭重寒從背起先寒後熱熱後汗出
難止○服柴胡湯

寒瘡

自感寒而得無汗惡寒攣痛面慘先寒後熱○
服神効方

暑瘡

又名
瘡

發作有時但熱不寒頭疼通身俱黑自汗大便
閉小便赤色○服茵陳湯加香薷匾豆

濕瘡

胃襲兩濕汗出洗浴得之身重肢節煩疼嘔吐
腹脹○服大蒜平胃散

寒熱瘧

仆厥手足俱冷昏不知人○服四將軍散

痰瘧

發作有時熱多寒少頭疼額角并胸前肌肉瞤
動食下即吐面赤○服半夏湯

食瘧

吞酸噦氣惡食不思食胸膈飽○服紅丸子

瘧母

瘡久左脇下生一塊名曰瘡母○服瘡母丸

勞瘡

表裏俱虛真元未復病雖暫止小勞復來○服
歸芎鱉甲湯

牝瘡

久受陰濕陰勝陽虛寒多不熱氣虛而泄○服
人參養胃湯

牡瘡

飲食不節饑飽有傷表裏俱虛○服四獸飲

孕婦瘡

服常山湯

子時瘡

在子時發起寡婦死鬼為病令瘡人脫衣東廂
床上卧左手持刀右手持杖打令聲不絕瓦盆
盛水著路邊

丑時瘡

在丑時發起斬死鬼為病令瘡人當户前卧頭
向東

寅時瘡

在寅時發起獄死鬼為病令瘡人看窰上灰火

一 盆莫令火滅即愈

卯時瘡

在卯時發起鞭死鬼為病令瘡人用五色衣燒
灰三指撮灰酒調服

辰時瘡

在辰時發起墮木死鬼為病令瘡人上木高危
處坐

巳時瘡

在巳時發起燒死鬼為病令瘡人坐地周匝燃
火

午時瘡

在午時發起餓死鬼為病令瘡人持脂火於田中無人處燒脂香假拾薪去

未時瘡

在未時發起落水鬼為病令瘡人臨發時往東過渡船一畚

申時瘡

在申時發起自刺鬼為病令瘡人臨發時以刀刺塚上使得姓名字咒曰若瘡我與汝拔却

酉時瘡

在酉時發起奴婢死鬼為病令瘡人確稍上卧
莫令人道姓字

戌時瘡

在戌時發起自絞死鬼為病令瘡人左索繩繫
其手脚腰頭

亥時瘡

在亥時發起盜死鬼為病令瘡人以刀一把箭
一枝灰一安瘡人腹上其箭橫着底下
已上鬼瘡十二名並用神効方

○諸藥製度法開末卷

橘皮甘草湯

橘皮

甘草

厚朴

各一兩

羌活

防風

肉豆蔻

茯苓

各二兩半

○分作五服每服水二鍾

生姜三片煎一鍾食前服

茵陳蒿湯

茵陳

山梔

柴胡

黃芩

桔梗

牡丹皮

貝母

荊芥

升麻

半夏

羌活

杏仁

濁活

麻黃

各五兩

○分

作七服每服用水二鍾生姜三片煎一鍾待臨

發之際熱服初發壯熱可服此劑其他不可服

升麻湯

升麻

鱉甲

淡竹葉

常山

各二兩

犀角

麥門冬

知母

各二兩

甘草

五錢

○分作十服每服

水二鍾煎至一鍾空心午間溫服

回穀湯

人參

白朮

白茯苓

橘紅

半夏

草果

各一錢

烏梅

甘草

各五分

○水二鍾姜三

片棗一枚煎至一鍾不拘時服

人參養胃湯

寒多熱少先服此藥

人參

厚朴

陳皮

蒼朮

茯苓

半夏

草果

藿香

各一

甘草

分五

○水二

鍾姜三片紅棗一枚煎一鍾不拘時服

甘草湯

甘草

一兩

蜀漆

三兩

常山

鱉甲

各四兩

石膏

五兩

豆豉

一合

梔子

烏梅

各十箇

竹葉

切二升

○右水一斗煎至三升分三服

柴胡湯

柴胡

常山

知母

鱉甲

青蒿

甘草

枳殼

各一兩

○分作十貼每服水二鍾

柳枝七根葱白頭二寸煎八分空心溫服

順氣湯

厚朴

陳皮

白朮

半夏

各半乾姜

柒胡

甘草

各半

○分作四服每服水二鍾

姜三片棗一枚煎八分不拘時溫服

枳殼湯

枳殼

厚朴

白朮

白茯苓

人參

各一兩

○分作七服每服水二鍾姜一片棗一枚

煎至八分溫服

四將軍散

附子

錢二

訶子

半錢

陳皮

錢三

甘草

錢一

○右水

二鍾煎至一鍾不拘時服

大蒜平胃散

用平胃散一貼大蒜一枚搗爛井水一大碗調
蒜澄清以一半調平胃散飲盡餘一半再飲用
被蓋卧汗出即愈

常山飲

常山

兩半

甘草

錢二

青蒿

錢一

烏梅

七箇去核炒

右水酒小便各一盞煎至一盞令發時五更服

半夏散

半夏

藿香

羌活

芎藭

各一錢

牽牛

分五 ○右為細末每服二錢食後白湯調下

烏梅丸

烏梅肉兩半 常山錢三 豆豉合一 虎頭骨炙酥 附子

肉蓯蓉錢各五 射香錢一 桂心 知母

錢各一 桃仁兩一 ○右為末煉蜜丸如梧桐子

大每服二十丸空心米湯送下未發日服

蓯蓉丸

肉蓯蓉 烏梅肉 桂心 甘草 升麻

錢各五 豆豉錢三 常山錢三 桃仁錢三 ○右為

末煉蜜丸如梧桐子大未發日酒下二十丸臨

發時再下二十丸

瘡母丸

雄黃

丹砂

射香

錢各二半

鱉甲

龜甲

木香

虎頭骨

羚羊角

犀角

剉屑

白薇

玄參

當歸

知母

防風

麻黃

牡蠣

龍膽草

地骨皮

楮苓

紫胡

茯苓

升麻

檳榔

黃連

桃仁

阿魏

烏梅肉

赤芍藥

梔子仁

萎蕤

安息香

錢各七

龍齒

錢三

○右為末煉蜜為

丸如梧桐子大每服五十丸米湯送下

如神丸

黃丹

兩四

大蒜

十箇

入丹為丸如梧桐子大清

朝空心面向東井水送下一丸小兒菜豆大一丸忌生冷油膩合藥端午日

鰲甲丸

鰲甲

蜀漆葉

烏梅

常山

知母

各五錢

姜薤

甘草

苦參

石膏

各十二錢

豆豉

五錢微炒

○右為末煉蜜丸如梧桐

子大每服十丸未發前米湯送下臨發時再服

木香犀角丸

木香

羚羊角

犀角

各剉兩半

升麻

玄參

楮苓

楨榔

各二兩 鱉甲

甘草

各五錢

豆豉

錢五 ○為末煉蜜丸如梧桐子大每服三十九米

湯送下如體熱去甘草楨榔加大黃一兩

神効丸

砒霜

硃砂

乳香

各五錢

射香

阿魏

菴豆

安息香

猢猻頭骨虎糞中骨

各一兩

右為末米糊丸如梧桐子大未發前男左女右

手捻緊一丸便睡一時後便瘥

如聖丹

人言錢一蜘蛛大者三箇雄黑豆四十九粒○右研細末
滴水丸如豆大來日發夜間朝北斗星下獻露
少頃紙裹一丸清早塞耳中一粒可治三人

神效方

硃砂

白芥子

阿魏

各一兩

香墨

錢五

砒霜

一兩酸漿水一碗與端午日五更慢火熬如稀糊便入煎藥末

丸如黍米大未

發前冷醋湯送下一丸忌食熱物

紅丸子

治食

二稜

炮

蓬朮

各一兩

胡椒

一兩

青皮

錢阿魏

一兩醋炒

○右為末陳米糊為丸如梧桐

子大每服七八十丸白湯送下酒亦可

傷風門

傷風初病鼻塞身熱惡風自汗宜服疎風實表藥
如不愈傳經變病與傷寒同隨在傷寒門調治

傷寒門

傷寒有正病三十六名因三十六名正病變症一
百十一名因一百十一名變症更變有病無名證
候一千五百五十一名在十日左右就犯二百零
一死症於隆慶元年編著傷寒撮要六卷凡治斯

疾者宜以此書覽之